


大城縣志

671.1267
078
18

卷之九

人物志
利

列女



新華書店
影印
P.D.G.

大城縣志卷之九下

列女志

忠臣不事二君烈女不事二夫平舒禮義之邦婦女
皆明大義有撫孤守節者有遇變殉節者有孝婦盡
孝貞女完貞者當其血性勃發可以泣鬼神可以貫
金石與忠臣託孤寄命無以異也爰備錄之以彰芳
徽以敦教化

明

張氏馬雯妻夫亡守節孝事舅姑守志三十餘年

李氏薛太妻夫亡守節孝事舅姑正統年旌表

周氏生員高選妻年十九歲而孀仰奉二親撫育一子名
尙志躬自訓誨後膺歲薦宏治年旌表

魏氏蔡澗妻澗故氏年二十二歲苦志守節訓子如金入
監授兵馬司吏目

張氏生員傅守讓妻年十九歲夫故遺孤六月勉強不死
夫弟守謙繼亡伊妻謝氏逐氏改嫁以利其有氏持刀
自衛貧甚鬻產教子讀書得入膠庠當事異之旌其門
曰貞節

梁氏生員高九仞妻九仞卒氏無子惟一女在抱孝事舅
姑志不他適

張氏生員傅甯妻嫁止一期甯卒止遺一女竭力奉親後女又早夭縣尹余尙貴嘉其節以粟賑之不受縣令狄同燧匾其門曰節義雙全

黨氏張朝甯妻夫死氏年二十九歲止有一子甫一歲姑老病躬紡績以供湯藥嘗姑痰以慰姑心姑死典衣營葬鄉黨鄰里無不稱賢行年九十七歲孀居六十餘年白首完節始終無議邑令高公甲撰匾其門曰白首完節

蔡氏劉棻妻生員蔡蘭女生二子夫病氏身侍湯藥者三年夫故氏以節終萬厯年旌表

李氏劉養心妻方十八歲夫卒家貧無嗣誓死守志頻遇
荒祲而志愈勵萬厯年旌表

紀氏文安人李燧暘妻萬厯年旌表

孟氏生員謝翰南妻夫故氏年二十六歲撫孤守節天啟
年旌表

吳氏生員齊壽邦妻知州吳夢周女夫故氏年十九歲拮
据奉親教子成名孫櫺曜成進士崇禎年奉旨建坊表
其門曰吳氏貞節之門

紀氏馬光前妻青年守志白首完節崇禎年旌表

葉氏生員馬永圖妻妾郭氏夫故皆年幼無嗣撫猶子如

己出同心誓志栢舟久而不渝表曰雙節之門

趙氏齊爲邦妻生員趙燕藩女年十六歲而夫亡撫前室子如己子子亡復撫其孫始終以紡績自給

梁氏尹之路妻炤千王君傳云富貴守節易貧賤守節難守和好夫婦之節易守棄置夫婦之節難守節撫自己之子女易守節撫他人遺棄之子女難氏適尹僅年餘尹家貧無資出遊至山海關賣熟食爲生又娶馬氏生子二人十餘年不通音於梁氏氏事奉翁姑艱苦無怨言夫客死悲痛欲絕徒步行乞取夫柩往返二千里挾夫柩及後妻二子以歸撫其二子皆得成立里人異之

王氏文安憲副王公女生員李伯芳妻二十而孀夫甫亡
一歲翁姑相繼病故子然一身苦辦三喪撫兩少弟三
孤子皆得成立竟以壽終

劉氏李縉芳妻年十九歲而孀事寡姑以孝聞生子甫數
月未幾天折氏誓死不二守一終身

高氏生員賈應元妻曲奉兩姑勤於撫育教子孫皆得成
立

石氏生員王崇德妻年十九夫故上事翁姑甘旨無缺下
撫二子俱得成立

齊氏張象奎妻夫死不食誓以身殉從翁姑之諭始進飲

食撫孤成立孝奉孀姑人無閒言邑侯馬公給匾旌之
曰瑤池冰雪

王氏貢生蔡其俊繼室自二十七歲夫故矢志栢舟和熊
教子子年十四舉茂才不幸早夭氏形單影隻益礪霜
操四十年如一日云

李氏劉灝妻夫亡守節教子漢儒官都察院左都御史
國朝

王民生員狄哲繼妻夫病嘗祈天嘿禱願以身代曰夫在
則老親有托夫去則姑靡倚夫故號泣幾絕投繯兩次
夫遺有前子教之入庠不幸早逝氏以猶子爲己子和

熊如前爲庠生姑病侍湯藥姑歿哀毀盡禮鄉里稱其孝事聞給匾以旌之

劉氏光祿寺署丞吳伯裔妻素性孝不隨夫宦遊事八旬孀姑曲盡婦道夫歿氏甫二十三歲於塚前植松栢二株矢厥堅貞迄今綠陰成圍百世下猶凜其節操建坊旌表

胡氏生員劉燦妻髫年適劉甫三載而夫故氏哀毀欲絕者數次公姑再三勸諭始甦理殯事值姑病親嘗湯藥願以身代姑賴以痊教二子皆成立有聲邑人以節孝雙全公狀於上

劉氏鄧碩對之妻嘉慶年旌表

石氏張洛書妻年二十歲夫故氏孝舅姑舅歿朝夕不離姑側守六十年

姚氏趙邦甯妻邦甯卒氏年二十一歲事孀姑撫嗣子邑人榜其門曰德符貞義

王氏宋萬凝妻年二十四歲夫卒子林書甫三歲翁姑在堂紡績以供甘旨卒年九十五歲旌表入祠

劉氏曹應錦妻年二十一歲夫歿性至孝事翁姑曲盡婦道卒年八十四歲旌表入祠

梁氏田希閔妻年二十歲夫亡無出孝奉二親撫育猶子

卒年九十七歲旌表入祠

張氏李維賢妻年二十八歲夫故氏持家有法勵節無虧
仰事孀姑撫育一子守七十餘年旌表入祠

石氏賈莊宋峻峯妻年二十一歲守節孝事舅姑二十餘
年舅姑歿喪葬如禮八十六歲卒旌表入祠

孟氏蕭廷芳妻夫亡守節孝事舅姑守六十餘年旌表入
祠

王氏陳兆經繼室也二十歲夫亡無子女孝事舅姑守七
十餘年旌表節孝

鄭氏曹天魁妻年十九歲夫歿氏孝事舅姑紡績以供甘

旨撫猶子如己出卒年八十一歲

岳氏王平成妻十九歲適平成未半載而寡氏誓死不二
孝奉孀姑母亦無嗣兩地奉養無少缺卒年七十餘歲
縣令曾賜匾旌其門

陳氏楊金亢妻年二十二歲夫亡無子氏守節不二孝事
舅姑鄉里重之七十歲卒奉 旨旌表

石氏辛家莊李思正妻年二十九歲夫故上事翁姑下撫
孤子七十八歲卒旌表入祠

尹氏王流謙妻年二十四歲夫亡奉事翁姑撫育孤子饑
寒備歷志節彌堅守四十一年旌表入祠

邢氏南趙扶張宗周妻年三十歲夫歿氏乞食養姑姑終
無凍餒七十歲卒

石氏南趙扶劉鴻邁妻年二十七歲夫亡遺腹生一子矢志守節飢寒困苦而孝養孀姑未嘗稍懈卒年六十八歲

羅氏王彭齡妻年二十六歲夫故子甫四歲氏撫孤守節孝養孀姑七十一歲卒

張氏李樂妻夫亡守節艱難撫孤守七十餘年康熙年旌表

紀氏劉恕妻年二十歲夫故氏矢志守節艱難撫孤守七

十餘年康熙年旌表

張氏劉曰鏞妻雍正十一年旌表

劉氏白洋村鄧鳳峙妻雍正年旌表

王氏樓堤村石國柱妻年二十二歲夫故終身矢節教子

際龍入邑庠生乾隆年旌表

李氏劉固獻劉五福妻乾隆八年旌表

魏氏劉固獻劉衍禰妻乾隆八年旌表

趙氏劉榕妻年二十四歲夫亡守節艱難撫孤乾隆年旌

表

李氏劉琯妻年二十四歲夫故守節乾隆年旌表

井氏李琨妻夫亡守節乾隆年旌表

李氏宋學直妻夫亡守節艱難撫孤嘉慶年旌表

劉氏王元吉妻年二十六歲守節無子撫猶子如己出卒年八十八歲嘉慶年旌表

吳氏段藻妻年二十九歲夫亡守節嘉慶年旌表

宋氏劉琳妻年二十五歲守節上無翁姑下無子女撫小郎成立後以其子爲嗣教子入邑庠生八十六歲卒道光年旌表

張氏傅枝妻夫亡守節道光年旌表

楊氏綏德州知州劉璫妾也璫終於任所氏年二十四歲

誓不他適撫幼子成立道光旌表

劉氏韓煒妻年二十歲夫亡苦節自守艱難撫孤道光旌表

谷氏蕭麟玉妻年二十九歲夫亡守節七十歲卒道光旌表

劉氏馬廷蘭妻年二十八歲夫亡守節白首完貞道光旌表

劉氏王緒先妻年二十四歲夫故氏孝親教子艱苦備嘗道光旌表

王氏趙煒妻年二十六歲夫歿子學海僅四歲氏教之入

庠道光年旌表

張氏趙學海繼妻年二十七歲夫故無子前室遺一女撫之如己出事孀姑惟謹兩世節孝相依爲命道光年旌表

賀氏孫長貴妻年二十七歲夫故撫遺腹子成立道光年旌表

李氏劉芳妻年二十一歲夫故守節道光年旌表

劉氏王元琪妻年二十五歲夫亡守節道光年旌表

葉氏張洵妻年二十八歲夫故勵節食貧澹然無怨七十

一歲卒道光年旌表